

von Wulf Wager

Yanis What-the-fuck-is



Leut, Leut, do semmr ganz schee bschissa worda. Mir hend älle mitnander über Jahrzehnte denkt, dass der Ouzo beim Griecha noch em Essa koschtalos isch. Jetzt hemmr d' Rechnung präsentiert kriegagt: 295 Milliarden wellat dia Hellenä. Alles schwätzt bloß no von Griechaland. Isch doch au klar. Dia send net bloß steuerzahlfaul, sondern au frech. Drbei hot mei Ähne emmer gsait: "Alt ond grau dersfsch werda, aber net frech!". Letscht Woch hot en namhafter deutscher Schuhpro-

duzent 20.000 Paar Schuah koschtalos noch Griechenland geschickt. Dia Woch send älle wieder zrückkomma. Des warat Arbeitsschuah!

Jetzt fordert dr neue griechische Finanzminischer, seller Kojak für Arme, Yanis What-the-fuck-is, Reparationszahlung wegama zwoita Weltkrieg. Obwohl des alles scho abgolta isch ond vertraglich gregelt. Guat, no fordrat mir Reparationszahlung für da Costa Cordalis. Der hot mit 15 Millionen verkaufte Platta ganz Deutschland mit Schrottmusik verseucht.

Mittlerweile isch au dr Iran ufgwacht. Die Perser fordrat jetzt von Griechenland Reparationszahlung wegama de Kriegszüg von Alexander dem Großen!

I woiß übrigens, worom der griechische Finanzminischer äwwl so grinst! Der denkt sich: "Die griechat ihr Geld nie zrück!".

Manchmol guck i übrigens meine Kontoauszüg a, streichle sanft über's Papier ond denk: Mei oigenes kloines Griechenland....

Bis näggschd Woch'

Ihr

Wulf Wager

